



Broj: 02-04-41623-16/23  
Sarajevo, 28.09.2023. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **28. sjednici održanoj 28.09.2023. godine**, donijela je

## ZAKLJUČAK


1. Utvrđuje se prijedlog Odluke o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo.
2. Prijedlog Odluke iz tačke 1. dostavlja se Skupštini Kantona Sarajevo na nadležno odlučivanje.

**PO OVLAŠTENJU PREMIJERA**

**ministar Zlatko Mijatović**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Kabinet premijera Kantona Sarajevo,
6. Evidencija,
7. Arhiva.



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 12. stav (1) tačka j) i člana 18. stav (1) tačka b. Ustava Kantona Sarajevo ("Službene novine Kantona Sarajevo", br. 1/96, 2/96 - ispr., 3/96 - ispr., 16/97, 14/00, 4/01, 28/04, 6/13 i 31/17) i člana 117. i 119. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16, 9/20, 14/20, 16/22), Skupština Kantona Sarajevo je na \_\_\_ redovnoj sjednici održanoj dana 2023. godine, donijela

*Prijedlog*

### **ODLUKU**

## **O PROGLAŠENJU "UDRUŽENJA SRCE ZA DJECU KOJA BOLUJU OD RAKA U FEDERACIJI BOSNE I HERCEGOVINE, RODITELJA I PRIJATELJA DJECE OBOLJELE I LIJEČENE OD MALIGNIH BOLESTI SARAJEVO" OD POSEBNOG INTERESA ZA KANTON SARAJEVO**

### **I**

Ovom odlukom proglašava se "Udruženje Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo.

### **II**

Dosljedno nadležnosti provođenja socijalne politike i temeljem programskog principa solidarnosti i socijalne pravde, Kanton Sarajevo potvrđuje svoje opredjeljenje podršci radu Udruženja, a u cilju omogućavanja aktivne, trajne i cjelovite podrške djeci oboljeloj od raka i njihovim najbližima, kako bi svako dijete u Bosni i Hercegovini imalo ravnopravno odrastanje.

### **III**

Zadužuje se Vlada Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo da u Budžetu Kantona Sarajevo za 2024. godinu i dalje, planiraju i obezbijede finansijska sredstva za ostvarivanje ciljeva iz tačke II Odluke.

### **IV**

Ova odluka stupa na snagu danom objavljivanja u "Službenim novinama Kantona Sarajevo".

Broj:  
Sarajevo, 2023. godine

**PREDSJEDAVALAČI SKUPŠTINE KANTONA**

**Elvedin Okerić**

# O B R A Z L O Ž E N J E

## I - PRAVNI OSNOV

Pravni osnov za donošenje odluke sadržan je u članu 12. stav (1) tačka j) i članu 18. stav (1) tačka b. Ustava Kantona Sarajevo ("Službene novine Kantona Sarajevo", br. 1/96, 2/96 - ispr., 3/96 - ispr., 16/97, 14/00, 4/01, 28/04, 6/13 i 31/17), te članu 117. i 119. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16, 9/20, 14/20, 16/22).

## II - RAZLOZI ZA DONOŠENJE

U skladu sa Ustavom Kantona Sarajevo, nadležnost je kantona da provodi socijalnu politiku - organizovanu djelatnost usmjerenu ka prevladavanju društvenih rizika, pomoći siromašnima i isključenima, ujednačavanju životnih šansi i ostvarivanju opće i pojedinačne dobrobiti građana, a sve kako bi se ublažile socijalne nejednakosti i druge negativne pojave koje nastaju kao posljedice društvenih i drugih procesa.

Prethodno opisane principe u svom višegodišnjem radu primjenjuje "Udruženje Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo", sa misijom omogućavanja aktivne, trajne i cjelovite podrške djeci oboljeloj od raka i njihovim najbližima i vizijom da svako dijete u Bosni i Hercegovini ima ravnopravno odrastanje.

Njihovi osnovni programski ciljevi su da djeca oboljela od raka koriste unaprijedene medicinske usluge i standarde liječenja u BiH za vrijeme i nakon bolesti; da djeca oboljela od raka, izliječeni mladi i njihovi najbliži koriste napredne usluge psihosocijalne podrške, programe rehabilitacije i resocijalizacije, u toku i nakon bolesti i da djeca oboljela od raka, u toku i nakon bolesti, dobijaju podršku od senzibiliziranog medicinskog osoblja u zdravstvenim institucijama, dobro informisanih roditelja, ali i senzibilizirane javnosti. Rad ovog udruženja temelji se na najvišim vrijednostima empatije, hrabrosti, istrajnosti, brižljivosti i transparentnosti.

Cijeneći prethodno navedeno, smatramo neophodnim da Kanton Sarajevo potvrdi svoje opredjeljenje podršci radu Udruženja kroz donošenje Odluke o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo.

Vlada Kantona Sarajevo stoga predlaže Skupštini donošenje Odluke o proglašenju "Udruženja Srce za djecu koja boluju od raka u Federaciji Bosne i Hercegovine, roditelja i prijatelja djece oboljele i liječene od malignih bolesti Sarajevo" od posebnog interesa za Kanton Sarajevo. Donošenjem ove odluke Kanton Sarajevo, dosljedno nadležnosti provođenja socijalne politike i temeljem programskog principa solidarnosti i socijalne pravde, potvrđuje svoje opredjeljenje podršci radu Udruženja, a u cilju omogućavanja aktivne, trajne i cjelovite podrške djeci oboljeloj od raka i njihovim najbližima, kako bi svako dijete u Bosni i Hercegovini imalo ravnopravno odrastanje, te se ujedno zadužuju Vlada Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo da u Budžetu Kantona Sarajevo za 2024. godinu i dalje, planiraju i obezbijede finansijska sredstva za ostvarivanje prethodno navedenih ciljeva.

### **III – FINANSIJSKA I DRUGA SREDSTVA**

Donošenjem odluke, nastaje obaveza Kantona Sarajevo da u Budžetu, počev od 2024. godine, obezbijedi sredstva za ostvarivanje ciljeva navedenih u Odluci.

## Član 12

### Isključive nadležnosti

Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za:

- a) uspostavljanje i nadziranje policijskih snaga;
  - b) utvrđivanje obrazovne politike, uključujući donošenje propisa o obrazovanju i osiguranje obrazovanja;
  - c) utvrđivanje i provođenje kulturne politike;
  - d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
  - e) utvrđivanje politike koja se tiče reguliranja i osiguravanja javnih službi;
  - f) donošenje propisa o korištenju lokalnog zemljišta, uključujući i zaniranje;
  - g) donošenje propisa o unaprijeđivanju lokalnog poslovanja i dobrotvornih aktivnosti;
  - h) donošenje propisa o lokalnim postrojenjima za proizvodnju energije i osiguranje njihove dostupnosti;
  - i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
  - j) provođenje socijalne politike i uspostava službi socijalne zaštite;
  - k) stvaranje i primjena politike turizma i razvoja turističkih resursa;
  - l) stvaranje pretpostavki za optimalni razvoj privrede koja odgovara urbanoj sredini;
  - m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.
-

**Član 18**  
**Nadležnosti Skupštine**

Skupština Kantona:

- a) priprema i dvotrećinskom većinom usvaja Ustav Kantona;
  - b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
  - c) *(brisano)*
  - d) utvrđuje politiku i donosi programe razvoja Kantona;
  - e) potvrđuje Vladu Kantona;
  - f) i g) *(brisano)*
  - h) usvaja budžet Kantona i donosi zakone o oporezivanju i na drugi način osigurava potrebno finansiranje;
  - i) bira zastupnike u Dom naroda Federacije sukladno Ustavu Federacije;
  - j) odlučuje o prijenosu ovlaštenja Kantona na općinu, Grad i Federaciju;
  - k) odobrava zaključivanje ugovora i sporazuma u oblasti međunarodnih odnosa i međunarodne suradnje;
  - l) provodi istragu sukladno ovom Ustavu i posebnim propisima;
  - m) vrši i druge poslove utvrđene federalnim propisima, ovim Ustavom i kantonalnim propisima.
-

## VI – AKTA SKUPŠTINE

### Opće odredbe o aktima

#### Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

#### Član 118.

Kad Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.

#### Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.